

衢州文獻集成

「史部」

第
91
冊

衢州文獻集成

黃靈庚 諸葛慧艷

主編

〔史部〕

第
91
冊

國家圖書館出版社

(清) 楊廷琚 修

(清) 竹全仁 纂

「康熙」蘆山縣志二卷
(次卷)

民國抄本

第九一冊目錄

〔康熙〕 蘆山縣志二卷（次卷）

（清）楊廷琚修
民國抄本

（清）竹全仁纂

..... 一

〔乾隆〕 新野縣志九卷

（清）徐金位纂修

清乾隆十九年（1754）刻本

..... 一七一

廬山縣志次卷

嚴道耕者竹全仁纂男竹文光手錄

邑侯 楊廷琚 鑒訂 紳衿 竹琦 陳啓泰 校閱

王文澤 竹恒齡

一 誥勅

明洪武十三年賜寶授百戶竹銘王忠詔

皇帝詔曰昔者先王之治天下也必資威武以安黔

黎未嘗專修文而不演武朕特例古制設武職以

衛治功受斯任者必忠以立身仁以撫衆智以察

廬山縣志下

一

蘆山縣志下

一

微防姦禦侮機無暇時能比則榮及前人福延後嗣而身永昌矣敬之勿怠

洪武十五年賜竹銘實封百戶鐵券

皇帝詔曰會際貞元類多節烈時當亨泰必樹翰屏
咨爾竹銘元汴梁留守竹真之孫成都龍泉衛右
衛指揮使竹斌之子派衍孤竹永續中子之傳嗣
續夜郎不廢施州之祀世旣篤於忠貞義應錫夫
茅土特實封百戶守禦蘆疆界之銅章予以鐵券
勿謂藐矣山城實為鎖鑰之寄茲且爰及苗裔毋

忘繼序之恩實朕之命與國同休欽哉

成化五年賜竹鳳詔

皇帝詔曰酌勲之典今古同揆咨爾守禦蘆山益井
所實封百戶竹鳳隨征有功遼績丕著特加行營
都督僉事榮祿大夫實封百戶如故尚其益勵忠
節毋褻寵褒欽哉

正德十年賜張斐勅命三道

皇帝勅曰咨爾廣西道監察御史張斐膺茲繡衣之
任無愧騁馬之風特勅授爾文林郎汝往欽哉毋

蘆山縣志下

二

替朕命

皇帝勅曰咨爾廣西道監察御史張斐命妻 氏克
相其夫而已早喪特勅授孀人爾其有知服斯榮
寵

皇帝勅曰咨爾廣西道監察御史張斐繼妻馮氏無
忝內助實顯刑于特勅授孀人既授寵章益勵節
操

萬曆三十九年賜竹密父母並妻勅命四道

皇帝勅曰自昔孝弟力耕之科與明經並重朕思得

若人以表彰之况其子用經學顯而鬱為循吏者
哉爾竹會陽乃湖廣寶慶府城步縣知縣竹密之
父恬澹性成塵氛習遠逃名鴻隱里慕式廬之風
積慶燕貽家承作梓之則績已襄而教闡祿不逮
而襁違是用贈爾為文林郎湖廣寶慶府城步縣
知縣表晦德於彤綸賁幽光於石節

皇帝勅曰令衆人之母也惟慈是怙而令亦有焉念
茲勤勞可無表揚之典以為民酌令者哉爾劉氏
乃湖廣寶慶府城步縣知縣竹密之母沼沚揚芬

蘆山縣志下

三

珩璜秉度佐隱聲諧於占鳳漑才教迪於和熊
瞻茲製錦之成諗爾趨機之自尊與弗逮執器可思
是用贈爾為孺人龍光賁錫於樹萱馬鬣增光乎
宿草

皇帝勅曰朕按邵陵當荆襄之末垂非得近民之吏
綏靜而煦咻之昌嘗有寧宇哉爾湖廣寶慶府城
步縣知縣竹密操持峻潔器識宏深筮仕明廷居
官茂宰廼能四知飭己秉廉善以矢勤五事宜民
酌張弛而成務邑靡谿山之警人獲阡陌之安丕

鬯最聲達於聞聽是用授爾階文林郎錫之勅命
夫漢世之儒蘊則明經試則循吏其功業赫然何
所不可至也尚益篤初忱以厚自樹勉朕且有不
次之陟欽哉

皇帝勅曰婦人從宦於谿谷之間而能以莞鑰佐政
勞旣至矣譽亦彰焉國是以有偕榮之典爾湖廣
寶慶府城步縣知縣竹密之妻鄭氏賦性柔嘉裊
躬端慎杼機佐下帷之業蘋藻揚中饋之芬迺服
縞以從官爰鳴琴而贊治愷悌之績爾實襄之是

蘆山縣志下

四

用封爾為孺人祇迓象服之休益効燕私之儆
萬曆四十四年賜竹密父母並妻誥命四道

皇帝制曰朕嘉人臣敬事之忠而曲體其顯親之志
於是崇其禰廟賁以綸章廣孝勸忠於是乎在爾
贈文林郎湖廣寶慶府城步縣知縣竹會陽乃原
任雲南廣西府維摩州知州密之父惇倫樂善扶
義好施孝友著於鄉評義方行為庭訓爾子服官
州牧蔚有能聲爾之明德遠矣是用加贈爾為奉
直大夫雲南廣西府維摩州知州龍章歆再荷之

榮馬鬣行無疆之慶

皇帝制曰孝子之於慈母也念其宿劬故執器則慕
列鼎則悲匪藉寵綸而風木之憾何能釋矣爾贈
孺人劉氏乃原任廣西府維摩州知州密之母稟
訓衿襦楊芳沼沚餐饋必恪雅追桓汲遺風簪珥
可捐不異柳九懿範爾子四履宣勞繇爾三遷啓
祚宜申國寵以表家祥茲用加贈爾為宜人揚顯
號於萱庭慰慈靈於蒿里

皇帝制曰州長吏號親民而顛漢南諸郡去神京萬餘

蘆山縣志下

五

蘆山縣志下

五

里望澤難需非得賢守牧誰與任宅生之寄苟有
善政簡在朕心爾原任雲南廣西府維摩州知州
竹密才優幹濟志勵清修貢籍蜚英花封展采爰
從民譽晉綰州符而爾蒲腔推誠惟崇愷悌之實
百凡振刷力求安集之方節比懸魚譽騰棲鳳萌
黎安堵夷落嚮風所司以最績上聞是用授爾階
奉直大夫錫之誥命夫便文之吏日偷惛幅之吏
歲計爾既歷試有效矣其式敷民德永肩一心以
稱朕予惠元元之意惟予嘉汝欽哉

皇帝制曰滇地屬在天末而婦人周旋以從宦蓋其
勞也矧內德之美有光於士業者哉爾原任雲南
廣西府維摩州知州竹密妻封孺人鄭氏女誠夙
閑壺儀允迪佐讀而篝燈有耿續饋而餐簋孔明
爰宣譽於中閨肆贊續於南服睠比鳴琴之化式
惟贈佩之音是用加封爾為宜人祇迓鸞書增修
燕儔

萬曆四十六年賜竹密有功覃恩進階詔一道
皇帝詔曰咨爾前授奉直大夫今湖廣布政司叅政
蘆山縣志下

蘆山縣志下

六

道僉事暫假廣西六越駐鎮府行都司竹密值土
官無何普明藐抗王章動勞天討爾能潛謀擒勦
歸獻罪俘一紙勝十萬之師三捷慰九重之意使
南服有慶西顧無憂特錫獎詔進爾階朝列大夫
用酌爾勲欽哉

崇禎四年賜陳萬策父母並妻勅命四道

皇帝勅曰大夫^士不論起家而能宣教誨又能使其子
克守一經服官以贊股肱郡為理者朕亦有賴焉
乃未沾顯命良用惻然爾原任蜀府教授致仕陳

訓乃雲南姚安軍民府通判萬策之父積學盛年
累冠多士風雲有待得桑林之好音時命不齊就
泮水而拔雋携贈言之僕酒登瑞采之鱣堂四地
名師知問字者聲重朞月設教見獎激者文盈乃
桃徑既成鯉庭獨切乞身教子意猶美於尊鑪家
塾官碑人皆感於風露良猷未竟盡在來茲是用
覃贈爾為雲南姚安軍民府通判承德郎綸綽映
於舊氈松楸永其新服

皇帝勅曰婦人事夫貞勤佐讀而復跋涉寒官卒勉

蘆山縣志下

七